



Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

47. Multis videndum se exhibet in eorum salutem.

urn:nbn:de:hbz:466:1-10854

Xauerij tabulanū malo appendere cuius tutelā tempestatum aut frangitur impetus, aut vnde mansuecunt.

Iam de Xauerij in ventos imperio, nauibus in portus optatos, extra statas anni periodos deducendis, vnum aut alterum subiungo. Coulanum redibat Franciscus Rodriguez cum sociis nauibus, & Goducherini promontorij aestuosa, syrtelque declinans, altum semper tenebat: Sed iis cœpit ventorum, imbrium, vndatum turbinibus vexari, vt fœderati quidem, nauigiis fulti munitoribus, per aduersa omnia tenderents ipse, tam violento impar discrimini, editioris loci se supercilio tegeret, mœstus, & afflictus quod efferato iam in procellas anno, mare illud occiduum in multis mensis clauderetur, essetque sibi illic hiemandum. Dies in anchoris agebat duos, sortem lugens acerbam, & suo commercio damnosam, cum succurrerit dolenti Xauerius latè orā illa prodigiis celebratissimus, & præsentissimum quibuscumque angustiis eorum qui ad se fidenter confugent remedium. Quare illi se ex intimo committens, vouerat eius Cotate ornando templo cortinas aliquot, si eius beneficio Coulanum ante portas ocululos attingeret: vouerat, votique confessim fit reus; ponit illico mare, versus à puppi adspicit ventus, soluit Rodriguez, semperque oram legens (quod & tutissimis anni periodis intutum, & periculosum) Coulanum applicat. Sociorum naues quæ contra vim maris, cursui suo institerant, octiduo post apparent, sed occupatis quæ tempestas trudebat variis portibus, nulla eorum Coulanum appulit. Simile aliud non absimili in causa promeritus est beneficium Gonzalus Mendez, natione Indus, Brachmanes genere, nisi quod habet quiddam præterea valde singulare: transibat is quoque Cacinum versus, ex ora vna in alteram, sed obstante iam hiemis importunitate Comorinum Cornu vi nulla transgredivit. Naves septem quibuscum initio fœdere soluerat, quod efficit robustæ, magno ulterius conatu prætergressæ, inde sexto vix milliari, in sinum coniecta sunt Cotati oppositum. Persinus Mendez Cocinensem in portum euasiſſe saluas, eò dolentius infortunium ferebat, quod Tutturini solus effet hiemem & lucra mercium perditurus. Ardenter itaque Xauerio supplex, spondet se Cotate illius Ecclesiam donario aliquo insigni aucturum. Paranti nihilominus in diem proximum e nauis merces educere, Iapothecis melius seruandas, spectandum in somnis se præbet Xauerius; hominem consolatur, vetat merces mouere; sedatum iri post triduum ventos, & maria, Cacinum prosperè peruenienturum. Quod haud fecus, ac erat pollicitus dies quartus effectum exhibuit.

Aspectabili hac sui præsentia non enumerabo quæ multis adstiterit Beatus Indorum Apostolus, eorum vel animis, vel corporibus medicinam facturus, ne similibus historiam onerem, vel debitum mutilem, pauca solum eius exempla hic referam. Indus arte Catambis, vt vocant, hoc est magister literarum, Ioannes Fernandius nomine, impuris amoribus irretitus, noctu ab iis cum rediret, in ædem haud procul Manapare factam, abdedit se, vbi celebris prostabat B. Xauerij imago, lucem illic operiens

47

Multis viden-
dum se exhib-
bet in eorum
salutem.

Pp 2 ne

ne suo grandi malo sceleris sui inditum faceret: dormienti adest Xauerius pacate admonet, deterstabilem ei obiicit vitæ statum, rogit etiam ab eo resipiscat, insano amori remittat nuntium, æternam alioqui ei permitem allaturo. Experrectus Fernandius, pro inani somnio monita negligit; sed nocte insequenti ab eodem scelere redeunti, eodemque in templo quiescenti, non iam placido vultu, sed iratum se sistit Xauerius, obiurgat, minatur; futurum ut ei caro stet nisi se ab illa infami consuetudine abducatur. Sed neque tunc minis paruit sceleratus, tametsi animo pungeretur, nec posset has merum somnium putare; adeo impotens libido præfenti voluptate, fidem pœnarum sequentium tamdiu adimit donec opprimant infelicem. Ergo hic quod sibi intruerat hoc edit: humor illi ex capite defluus vniuersum corpus, ita occupauit, neruos præcipue manuum, ac pedum, tanto ac tam informi tormento contraxit, ut linqueretur animo saepius, & commouere se nisi alienis manibus non valeret. Accedebat ad mali cumulum medicorum sententia, nihil ausa deinceps melius polliceri, quod experti viderent, nec iacentis naturam, neque artes suas, tenacitati humoris illius dissoluenda sat esse. Occursant interim turpitudinem suarum condigna præmia legenti, visorum figuræ, & Sancti minæ quas spreuerat, quibus tunc effectui datis sera esse omnia videbat præter lacrimas, & pœnitentiam. Semestre duxerat inter cruciatus, cum spe corporis abiecta, prospicere saltem animo decernit: redit cum Deo in gratiam, vitæ omnis labes confessione seria expungit; pœnam illarum, morbum quo conflictabatur, mortemque adeo ex eo expectatam, quam erat commeritus, libenter admittit; denique omnia si conualuerit in futurum spondet, & quoduis exitium potius quam ciurata flagitia adiutum. Post quæ tertium illi B. Xauerius, ut alias quiescenti adest; docet morbi fontem ipsius crimina fuisse, quæ blandis in cassum curata remediis sananda fuerant doloribus corporis. Iam ab iis ad Deum, & ad se reuersus, speraret bene, quibus dictis, fausta illi manibus adprecatus evanuit, excitatusque Fernandez duplicitibus gratis prosecutus est Sanctum animi sui, & corporis medicum, eaque præ omnibus ut profiteretur in posterum se castè viçturnum. Minus corpori, plus animæ contulit Xauerij species Malabensi obiecta feminæ diurno ex morbo languenti: hæc deuastato Nanginari, patriæ suæ agro, omnibus ad curationem subsidiis defecta, valetudinem à S. Xauerio continuis precibus flagitabat. His instantem votis aspectabilis adit Sanctus, hortatur vehementer quod visum Deo foret, idem hoc etiam ipsa vellet; subdit Deo placere, ut vita abeat, ipsique tam pridem iacenti expedire, futurum id non ita multo post; daturum se operam ut præsto illi sit Sacerdos è Societate, qui necessariis illam præsidii ad Christianæ decadendum iuuet. Quo pariter tempore Iacobo Gonzalo inspirat excursiones alias in oram Traiancoris ut Christianos à barbaris, & strage superstites recrere; profectus Iacobus, & in Nanginari interiora quoque se penetrans, ægrotam iuuenit, quæ probè conscientia, cuius instinctu, & quamobrem adest, tenere flens, manusque

manusque attollens, promissi gratias B. Xauerio egit, visum Patri Iacobo quod retuli narrauit; indicatoque mortis die, sacris rite mysteriis procurata feliciter obiit. Cœterum corporis sanitatem quam huic magno eius bono negavit S. Xauerius, alteri concessit, Indæ similiter, & ex longa ægrotatione animam agenti, vsu iam linguae, ac sensuum amissio. Haud tamen segnius parentes quos iactura illius vehementer angebat, assiduis precibus, ac votis, pergebant illam B. Patri commendare. Quibus tandem ab eo quod tantopere vrs'erant abstulerunt, sed modo proflus mirabilis spectandum enim se variis locis, tum piæ feminæ, tum eo in pago, vni ex Ecclesiæ ministris obtulit; turba, qualis inter nos dum vineret sti-patus puerili, Christianam doctrinam discentium, & hinc minem præferens graui ali quo sollicitoque negotio impeditissimum; properare se ait ad restituendam ei feminæ sanitatem. Quo temporis puncto velut exper-giseret ægrotus, voce, sensu, viribusque receptis momento sanata est.

Quid quod etiam Indo cuidam, vltro ac minime rogatus, oculos redidit? Huius nomen Chambaratecura; occupatio quæstura Sanctæ Crucis quod est in oppido Colluci templum. Componebat quandoque festorum ignium diuersa missilia ad diem S. Crucis festa lætitia peragendum, cum in aceruum tormentarij pulueris scintilla incidens flam-mam ex eo ingentem corripuit, qua & miserè deformatus, & excæcatus omnino est, egitque multos annos cæcus: conspicendum se tamen inter somnos aliquando huic sistens B. Apostolus, quærit ecquid ipsi gratum accideret oculorum usum recipere? is ne vitam quidem gratiorem respondit, sed enim qui posset id fieri, cum præter oculorum cauum, nihil sibi de oculis restaret? de hoc inquit Sanctus, ne labora, iubetque sexta inde leuca perduci se Cotatem curet, ad ipsius ædem atque imaginem illic preces fundat, cœterum nihil prorsus ambigens oculos se impe-traturum. Prima vix luce promissi auditus in viam se dat, familiari gres-sum eius regente, omniisque illo itinere Sanctum rogans, & omnia polli-cens in beneficij gratiam, si cæcus eò adueniens, reuertetur oculatus. Ac fuit quidem haud adeò subita impetratio spei date, nec primo stetit imaginis aditu, ad probationem, & meritum fidei nonum in diem differ-tur ægrotus, supplex, fiducia, & constantia plenus, fixusque non prius ab Sancti pedibus recedere, quam esset promissi compos factus. Idque non demum ex quo venerat die prolixè obtinuit, renatis momento in-tra suos orbes viuidis oculis, & quos amiserat nitore vincentibus. Ce-cinit ipsem (erat enim poëta) versu patrio carmen, quo miraculum ac-cepti muneri tota India vulgauit.

Cæcitatem haud forte leuior alia, Ioannem Fonsecam Lusitanum ministrum regnum detinebat: abductus à barbaris, & Cugneli con-clusus alta rupe, vitam trahebat in tenebris, omni oculorum abla-to usu nisi ad lugendam seruitutem. At is Xauerium cum addictissimè coleret, instabat apud illum perpetuò, vt se ab hac vita tam calamitosa aut seruitute eriperet; futurum sibi tolerabilius una morte absolui, quam

47

Oculos effos
excor, redi-

Pp 3 dico

49

Captiuum di-
berat.